

序

宇宙萬象因時間之進行倏忽即過去過去之時愈多則人類之記憶愈難志書者一邑之歷史載一邑之文獻俾垂不朽以為後來之鑑者也余攝篆臨沂竊意此地壤錯齊魯居近聖人代有名流地多遺跡志書紀錄必燦然大備下車後延見耆老首先訪問乃知邑志自清康熙甲辰未改縣時州牧邵公修訂以來迄今逾二百年乾隆二十五年曾修府志而蘭山縣志未有成書清季黔南陳公莅任茲邑籌議編纂邑人士頗踴躍采訪已集陳公卸任去因循至今未能廣續余聞之蹙然夫自康乾以來時代之變易人材之繼起郡縣之沿革事務之複雜紛紜變幻更僕難終不為編紀以示來茲代遠年湮往事將歸銷滅不惟守土者之咎抑亦都人士之恥也况值共和肇建政體更新臨沂縣名規復古制非有纂述何以應文明之運為一邑光榮乃召集紳耆開局編撰繼續前美闡揚後徽甫就緒奉檄攝篆泰安余竊憂前功之難竟也幸局紳急公好義期於有成

臨沂縣志

序

一

又閱六月纂修事竣以書來問序於余竊思設縣以後宰是邑者夥矣有志於此者想不獨陳公顧不能有成者蓋案牘之勞形人事之錯迕往往掣其肘而敗乃事也余之志書甫創始耳今乃底於成非總纂王君受夫以及在局紳耆之各盡乃職能善其後曷克至此有志者竟成衆擎者易舉能體此意施於有政而庶績熙矣豈獨志書為然哉因郵寄數行以弁簡端

中華民國五年八月前知臨沂縣事南州沈兆禔序

序

中華民國五年冬余捧檄臨沂竊維志乘者為治之譜也甫下車即徵求其書吏以舊志進讀之知為清康熙時州牧邵君所輯沂州志年代邈遠時勢遷移不足以資考鏡良用為憾訪諸邑父老乃知自改縣蘭山未嘗修志逮縣名再易而紀載仍缺前令陳君笑山修而未成沈君幼沂庶續提倡設局編纂已歷十有四月今付劔剛將成書矣則大喜自幸余之治沂不至如夜行而無燭也未久司事者以工竣告而問序於余余讀之皇然曰甚哉治沂之難也今縣境在漢不止七縣後逐漸合併至清乃定今境在古地小易治今則幅員遼闊毗連鄰嶧犬牙錯入最易敷衍此觀於疆域鄉社而知其難也男女丁口超過六十六萬生齒可謂繁衍而實業未興學校未遍謀生何計陶淑何方此觀於戶口物產教育而知其難也馬陵東峙沂沐分流盛漲時來汪洋浩瀚疏濬無策蕩析堪虞救恤弗遑况云徵斂此觀於山川而知其難也西南一隅風氣強悍草竊乘間每煩

臨沂縣志

序

二

大兵絕其根株孰操勝算此觀於兵防而知其難也漢晉以來人材蔚起近古俊彥不逮前朝激勸栽培當操何術此觀於人物而知其難也自昔循良為吾師表遠稽史傳近載口碑踴躍影追風安能自信此觀於宦績而知其難也綜此諸難余滋懼矣然天下事患不知其難耳知而勉焉庶寬罪戾則此書之成謂邑父老賜我章茲可謂邑父老為此後治沂者貽以規矩亦無不可爰抒此意冠諸簡首

中華民國六年一月知臨沂縣事奉天楊孝則序

序

縣之有志猶國之有史家之有乘固盡人而知之然不遇其人不達其時魯聞往事或如杞宋無徵此亦嗜古者之隱憾也臨沂為歷代州郡治所實東省一大都會在科舉時代固余奪遊地也其山則祖脈蒙頂蜿蜒自西北而來水則沂流如虹蟠繞城下此間靈秀鍾毓代有偉人若五賢祠右軍祠祠外曬書臺洗硯池集柳碑皆名賢遺迹既時常日親流連矣若城外諸葛里琅邪家二疏城王元公臥冰守柩處勝地蓋難屈指數雖未必均經過訪然日與此邦士君子遊得於耳食亦不少惜見聞多異辭未能一一筆記之耳民國三年秋余以司鐸中校得與費邑王君受夫遊受夫先世本沂人且習沂事踰歲適臨沂縣長沈君幼沂倡率邑紳編纂志書不以余不才與受夫及臨沂諸賢同任分纂已而受夫獨任總纂事因得上下議論藉匡不逮誠幸事也至民國六年一月書成同人囑為之序夫臨沂為漢唐舊縣歷代以來制度頻更名稱亦屢易世不知幾治亂局

臨沂縣志

序

三

不知幾分合山陵岸谷不知幾更易城郭人民不知幾變遷遙遙數千載而臨沂舊名復見於今又值此文明進化一日千里賢宰官為之董率俾二百餘年失修之邑志得庶續以有成譚陋如余竟亦得廁名其間豈不幸歟乃書以弁諸簡端

中華民國六年一月吉日城陽潘琛遠序

序

中華民國既成立之四年人文學校風氣日開臨沂近聖人之居進化最早而志乘闕如可為浩嘆前清邑侯陳公笑山下車伊始注意於此取舊志觀之知為康熙時沂州知州邵公正菴所修沂州志改縣之後強稱縣志名實不相副也急請於大吏擬重修值海疆多故軍事孔亟有志未逮及陳公復莅茲土與學官郭仲泉先生再謀修輯集款採訪已有端倪值解任去事復寢又數年民國肇建政體更新沈公幼沂來知縣事乃糾紳耆而告之曰志書國史之本也邑志之失修二百年矣事變之來日新月異况咸同兵革事之可志者若干民國初造事之可志者又若干不及今修輯不惟無以對陳侯將何以徵信於後代乎願諸君子留意焉衆皆唯唯因慨然曰是舉也固守土者之責亦生斯土者之責也於是籌款設局延聘耆紳協力編纂未幾沈公以調任去在局諸君進行罔懈至六年之春楊公蘭笙來宰是邑而書適成書堂老矣譚陋無似亦與分纂之列竊喜陳沈二公之志克成而吾邑舊聞不至湮沒也爰為序以誌幸云

臨沂縣志

序

四

中華民國六年一月邑人趙書堂序



司編纂考實齋之通義例取謹嚴鑑循吉之觀簽名期允當所冀鴻編立就無須一紀十年更希直筆同操不愧董狐南史下略

臨沂縣志

序

七

纂修官紳職名

督修

前 蘭 山 縣 知 事 石 阡 陳 景 星

前 署 臨 沂 縣 知 事 南 昌 沈 兆 禕

現 署 臨 沂 縣 知 事 奉 天 楊 孝 則

總纂兼總校

費 人 王 景 祐

參訂

邑 人 王 思 衍

分纂

莒 人 潘 琛 遠

邑 人 楊 淑 時

邑 人 翁 調 元

臨沂縣志

纂修官紳職名

邑 人 趙 書 堂

邑 人 吳 達 三

邑 人 狄 建 整

邑 人 龐 作 梁

邑 人 狄 良

分纂兼坐辦

邑 人 吳 林 懋

督梓

邑 人 石 毓 挺

校對

邑 人 龐 作 梁

邑 人 王 晉 級

繪圖

邑

人 崔福蔭

采訪

吳達三 楊鳳廷 宋仲熙 王 溥 張閣梅  
 林小川 張瑞廷 劉秉三 楊甲桂 王善膺  
 趙毓璋 王雪堂 楊密桂 王子敷 杜鴻翹  
 王光前 石鳳森 韓書田 陳慶宣 王子中  
 密葆穎 徐清珊 王級庸 崔祖蔭 杜智臨  
 宋淑洪 夏侯先 趙鳳桐 李文輝 陳思九  
 傅承善 王春甲 李新景 周啓宇 侯作霖  
 劉銘常 李毓蕃 張樹梅 趙鏞助 傅景舜  
 張汝藍 孫寶昌 李世芳 楊 恂 李家隆  
 楊寶山 尹光第 李景堯 周恩需 宋金臺

臨沂縣志

纂修官神職名

二

刻工章邱人侯方廉

臨沂縣志目錄

卷首

輿圖

卷一

疆域 通紀

卷二

山川 古蹟

卷三

民風 物產

卷四

秩祀 教育 宗教

卷五

食貨 建築

臨沂縣志

目錄

一

卷六

登進

卷七

藩封 職官 官績

卷八

兵防 警察 交通

卷九

人物一

卷十

人物二

卷十一

人物三

卷十二

金石 著述

卷十三

藝文

卷十四


雜志



臨沂縣志

目錄

二



# 臨沂縣圖











臨沂縣志卷一

疆域

莽莽大陸羣萃州處古聖觀天察地辨土宜區民情畫為九州釐為萬國  
郡縣以來列姓遞嬗合併析置方策可考迄於近世畛域益明境界劃分  
鄉社錯峙故首志疆域而以沿革天象境界鄉社各目繫之

疆域沿革

縣境在虞夏時屬徐州周屬青州有郵邾二國及魯祝邱中丘向  
次室啓陽諸邑防今不從

秦屬郟郡三十六郡內

漢徐州東海郡開陽臨沂襄贛陵繪印丘利城七縣又縣境南  
有戚縣地北有城陽國陽都縣地琅邪郡魏其侯國按舊說亦在境內

東漢徐州琅邪國開陽臨沂繪利城四縣即丘侯國及東  
海郡蘭陵襄贛二縣又陽都戚縣地

臨沂縣志

晉徐州琅邪國開陽臨沂繪利城印丘五縣及東海郡蘭陵襄贛二縣  
元年分東海郡置蘭陵郡又陽都戚縣地晉宋之際暫屬南燕略不具

劉宋徐州琅邪郡印丘縣今治蘭陵郡襄贛縣見宋志

元魏北徐州琅邪郡印丘縣及東徐州郡臨沂縣徐州蘭陵郡  
陵縣漢縣至此悉廢

高齊北徐州琅邪郡印丘縣

宇文周沂州琅邪郡印丘縣

隋沂州琅邪郡印丘縣蘭陵縣地二縣大業時州府又併一縣入承改承為臨沂非舊縣矣

按隋志臨沂舊曰印丘開皇十六年分置臨沂大業初併印丘入焉  
宇記謂隋分置臨沂於今治東北三十六里之故邠城印叔孫氏邑非

也又府志稱大業二年移今治印丘非此續考古錄兩從之而以爲元魏

州郡分治邳州治今城項亦非攷今治西南城前保有故城爲魏印丘縣

徐州琅邪郡通志載之竊謂開皇所分臨沂印丘今治樂氏不知有故城而以今治爲魏印

丘故別出臨沂樂氏知有故城而未

明樂氏之誤故 大業廢州移郡於此耳觀隋志臨沂無徙治之文且恐無一

時而廢二縣別立治所之理可以知諸家之誤矣府志但稱大業移治

猶未核也方輿紀要不從通志以魏州郡縣皆治漢即丘尤疏至叔孫

氏之郡在今東平葉氏辨之詳矣

唐河南道沂州 臨沂縣 武德四年析置臨沂縣 徐州彭 永縣地 武德四年改臨沂為永

宋京東東路 臨沂縣 境如唐

按隋唐州郡迭廢迭復 宋則州郡通稱續考古錄分行跨書今

從其例

金山東東路沂州臨沂縣有向城長任利城三鎮 金國陞西境入臨

元都省山東益都路沂州臨沂縣

明山東布政司兗州府沂州洪武初省臨沂縣入州屬濟甯府五年屬濟

臨沂縣志

南七年屬青州府十八年屬兗州府 清因明舊雍正二年改為直隸州十二年改府設附郭蘭山縣

按縣自漢晉建國後歷為州郡治所惟劉宋州郡志琅邪郡首費縣蓋

宋東海既治襄賁故琅邪移治耳元魏州郡治即丘歷齊周至隋復還

今治迄明不再徒清改為府

民國二年府制取消復設臨沂縣

按土宇之安危民生之休戚視焉故世無論創業守成君無論一統偏

安均有所因革以求體合於當時此固學者居今稽古所當深為留意

也臨沂當元明以前稱名分隸代有不同其所以離合增省者皆因時

制變有所以然之理亦有不得不然之勢近則強鄰逼處國步阽危此

固不第於吾縣有關係然吾縣既為中國之一縣則中國之安危吾縣

共之其關係實至密切矣凡我同儕俯仰桑梓其有鑒往事之得失知

將來之利弊因以擴其愛家愛鄉之情使四千年文明最古歷史最備

之中國雄飛宇宙者乎覽此篇可以興矣

天象

十二次所主 周禮保章氏注降婁魯也 晉書天文志自奎五度至胃

六度為降婁於辰在戌魯之分野屬徐州 唐書天文志奎婁降婁也

初奎一度中奎二度終胃三度徐夷之地明清類天文分野書奎婁在戌

屬魯分兗州

二十八舍所主 史記天官書奎婁胃徐州 漢書地理志魯地奎婁

之分野也 晉書天文志奎婁胃魯徐州東海入奎一度 文獻通考東

海入奎一度琅邪入奎六度

五星所主 星經歲星主徐州 宋史天文志歲星主徐青兗

北斗七星所主 春秋緯文耀鉤徐揚二州屬權星 星經玉衡第一星

主徐州常以五子日候之甲子為東海丙子為琅邪

臨沂縣志

中外官星所主 宋史天文志三蠶六星下臺上星主青下星主徐 晉

書天文志五車次東第三星主歲星主魯衛 宋史天文志天市垣二十

二星其東藩十一星四日東海五日徐

十千十二支所主 史記天官書丙丁江淮海岱也 漢書天文志丙楚

西魯

右星野

縣在赤道北三十五度十分強北極出地三十五度九分五十秒緯度京

師南四度四十五分十秒經度京師偏東二度十一分

右度數

冬至日出辰初刻十一分日入申正三刻四分晝三十八刻八分夜五

十七刻七分夏至日出寅正三刻四分日入戌初刻十一分晝五十七

刻七分夜三十八刻八分

右晷刻

按星野之說最為無據故近代地理書皆詳於緯帶而略於分野顧周  
官保章所掌藁古概從茲汰轉無以為後人考鏡之資是以姑因舊志  
掇其有關縣境者錄之而以度數畧刻繼其後俾覽者知古今之變用  
說文明之進化焉

境界

東至江南贛榆縣新集界百二十里西至費縣朱里村界四十里南至鄰  
城縣大埠界百五里北至沂水縣河陽界九十里廣百七十里袤百九十  
五里

右四至

東到江南贛榆縣治百八十里西到費縣治百里南到鄰城縣治百二十  
里北到沂水縣治二百里東南到江南海州治二百四十里東北到莒縣  
治百八十里北到蒙陰縣治二百二十里西南到嶧縣治百八十里面積  
三萬九千五百五十里

臨沂縣志

卷一 疆域

四

右八到

鄉社

- 孝感鄉 社十六在縣北 共百二十二村莊
- 七得社 去城五里
- 城子社 去城十里
- 臨沂社 去城五里
- 務本社 去城二里
- 溫水鄉 社八在縣北 共七十四村莊
- 沂東社 去城十里
- 九曲社 去城五里
- 琅琊鄉 社六在縣東北 共九十三村莊
- 團林社 去城三
- 青龍社 併
- 曲沂社 去城十里
- 安淨社 去城四
- 陡溝社 去城九
- 高里社 去城七
- 古城社 去城十
- 常溝社 去城九
- 黑墩社 去城三
- 大聖社 去城九
- 朱夏社 去城十
- 新河社 去城三
- 朱里社 去城七
- 青駝社 去城九
- 龍山社 併併併不計遠近
- 雲沂社 去城七
- 太平社 去城三
- 白塔社 去城五
- 居沂社 併
- 兩鄉社 去城入
- 故縣社 去城四

臨沂縣志

卷一 疆域

五

- 臨沐鄉 社二十在縣東共百五十六村莊
- 曲坊社 去城五
- 貴莊社 去城五
- 石河社 去城百
- 阜嶺社 去城七
- 報本社
- 艾南鄉 社三十二分爲上下在縣
- 埠東社 去城十里
- 峯山社 去城五
- 西南鄉 社去城四
- 昇平社 去城八
- 掛劍社 去城七
- 柏林社 去城七
- 沂河社
- 沂安社
- 艾西鄉 社十二在縣西共九十四村莊
- 石埠社 去城二
- 艾陽社 去城三
- 青同社 去城十
- 美西鄉 社十在縣西南共七十二村莊
- 大冶社 去城六
- 芙蓉社 去城一
- 扶寶社
- 向城鄉 社七在縣西南共五十一村莊
- 湖頭社 去城一百
- 魯坊社 去城一百
- 朱崔社 去城四
- 杜里社 去城六
- 山子社 去城五
- 白茅社 去城五
- 玉谷社
- 高都社 去城二
- 沂陽社 去城三
- 蘭山社 去城九
- 新城社 去城六
- 夾埠社 去城七
- 煖溝社
- 涑河社
- 馬陽社
- 太和社 去城二
- 三重社 去城四
- 沂艾社 去城三
- 樂歸社 去城六
- 中邱社
- 小邱社
- 昌茂社 去城一百
- 余溝社 去城一百
- 興名社 去城一百
- 城義社 併
- 白常社 去城五
- 連玉社 去城六
- 利城社 去城百
- 三陽社
- 沐東社 去城四
- 車輞社 去城二
- 永安社 去城七
- 昌樂社 去城四
- 尙莊社 去城八
- 龍泉社 去城九
- 唐莊社
- 諸葛社
- 埠西社
- 道里社 去城十
- 城後社 去城二
- 焦邱社 去城四
- 義堂社 去城三
- 永春社 去城三
- 西北隅
- 懷德社 去城五
- 東潘社 去城九
- 古柏社 去城
- 夏莊社 去城八
- 柳莊社 併併併
- 册山社 去城四
- 正層山社 去城九
- 大埠社 去城九
- 華埠社 去城七
- 三井社 去城七
- 黃山社
- 副層山社
- 朱柏社 去城十一併併
- 義堂社 去城三
- 永春社 去城三
- 西北隅
- 河灣社 去城一百
- 青東社
- 高山社

石城鄉 社八在縣西南  
共六十一村莊

防前社 去城一百  
二十里

千期社 去城  
社六俱

五陽社 去城  
社六俱

一坊社

南廂社

縣原設九鄉四坊一廂共一百二十二社每社分爲十排明嘉靖間除坊廂外併爲八十五社萬曆九年後設立官莊扶垛新舊社分九鄉五隅共爲一百四十二社清九鄉新舊併坊廂共一百二十五社宣統三年爲行政便利計經地方自治籌辦處分縣境爲十五區曰城區曰相公莊鄉區曰湯頭鄉區曰東潘鄉區曰南河村鄉區曰板泉莊鄉區曰相公莊鄉區曰高里鄉區曰册山鄉區曰莊塢鄉區曰泉源頭鄉區曰城前鄉區曰尚嚴鄉區曰下莊鄉區曰蘭陵鄉區此近來改革之大略情形也其原有之鄉

臨沂縣志 卷一 疆域 六

社則尚仍舊云

集市

縣前街市 牌坊街市 南關街市 北關街市 東關街市 西關街市

相公莊集 太平集 郭家灣集 白塔集 湯頭集 圪塔墩集

長汪集 劉家店集 白茅集 野埠集 葛溝集 白沙埠集

義堂集 壘石集 青駝寺集 車輞集 東潘集 甘溝窪集

件城集 高里集 莊塢集 册山集 卞莊集 李家莊集

湧泉集 沙嶺集 大冶集 尚岩集 鵝莊集 銀廠集

且上集 作子集 南橋集 三河集 魯坊集 向城集

蘭陵集 徐公店集 三重集 塘莊集 蕭莊集 峯山集

城前集 湖西涯集 朱井寺集 武陽寺集 劉家莊集 三井村集

薛家莊集 新城集 李官莊集 沙墩集 唐子集 馬站集

大埠集 泉源頭集

通紀

通紀者編年之例上篇所紀兵事居多雅乾以前半據郡志以後廣搜博采朝廷大政不爲一邑發者略焉下篇記災異日蝕星變不詳分野者略焉事近荒誕與民生禍福無關者略焉蓋慎之也

周春秋魯隱公七年夏城中邱十年春王二月公會齊侯鄆伯於中邱癸丑盟於鄆桓公五年城視邱十六年冬城向莊公四年夫人姜氏享齊侯於視邱九年公會齊大夫盟於蕭僖公十四年夏六月季姬及鄆子遇於防使鄆子來朝十五年季姬歸於鄆十九年夏六月宋公曹人鄆人盟於曹南鄆子會盟於鄆己酉鄆人執鄆子用之宣公十八年秋七月鄆人戕鄆子於鄆襄公四年冬十月鄆人伐鄆滅紇救之敗於狐貽六年莒人滅鄆昭公四年秋九月取鄆十八年六月鄆人入鄆哀公三年季孫斯叔孫州仇帥師城敗陽七年夏公會吳於鄆

西漢新莽天鳳五年臨沂人徐宣謝祿與同郡楊音起兵與樊崇合號赤眉賊

眉賊

東漢光武帝建武三年徐宣降四年董憲將賁休以蘭陵城降憲圍之虎牙大將軍蓋延救賁休不克憲遂陷蘭陵五年春三月龐萌反聞帝將自討與其黨去下邳還蘭陵七月帝幸蕃大破董憲於昌慮憲及萌走入緡山章帝建初五年琅邪王京上書願徙封開陽以華蓋南武陽厚邱贛榆五縣易東海之開陽臨沂肅宗許之桓帝永壽元年秋七月初置琅邪都尉官五年秋八月己卯罷琅邪都尉官興平元年曹操迎父嵩於琅邪爲陶謙襲殺

蜀漢建興三年利城郡兵蔡方等以郡反殺太守徐質推唐咨爲主魏遣諸軍討破之咨入吳

晉惠帝元康元年置蘭陵郡 東晉武帝太元十九年燕王慕容垂分兵略地至琅邪安帝隆安三年南燕王慕容德自琅邪引兵北還義熙五年劉裕伐南燕過琅邪九年罷臨沂皇后脂澤田詔賜貧民

南北朝宋泰始七年命北琅邪蘭陵二郡太守垣崇祖經略淮北入魏境  
梁武帝普通五年彭孫寶克魏琅邪進拔買邱天監十年琅邪民主萬壽  
殺郡守劉暉據胸山後為梁馬仙韓所破大通元年將軍彭羣王辨圍魏  
琅邪不克而還

隋煬帝大業十年夏五月壬寅賊帥宋世讓陷琅邪郡十二年春二月東  
海賊盧公暹率眾萬餘保於蒼山魯郡賊徐圓朗略地至琅邪

唐肅宗至德二載七月河南節度使賀蘭進明攻克琅邪憲宗元和十四  
年李愬敗平盧兵於沂州拔承縣是年秋沂州牙將王弁殺觀察使王遂  
曹華討平之斬郗卒一千二百餘宗乾符三年秋七月宋威討王仙芝於

沂州大破之天平軍援沂之將張晏兵曠於義橋還郗四年春三月黃巢  
陷沂州五年復陷沂州昭宗乾甯四年春二月朱全忠陷沂海密三州  
宋眞宗景德三年沂州軍賊王倫等作亂高宗紹興三十一年八月知海

州事魏勝遣董成帥千餘人入沂州殺金守將降其衆得器甲數萬金人  
臨沂縣志 卷一 通紀 八

圍蒼山紫首滕秋告急於魏勝勝提兵解蒼山副密宗嘉定五年金泰安  
劉二祖兵起掠沂州

金太宗天會十五年沂州資防禦叛烏蘇額琳敗之獲資防禦廢帝天德  
三年沂州男子吳眞犯法當死有司以其母老病無侍爲請命官與養濟

著爲令貞元二年山東賊犯沂州臨沂令哈隆力戰而死世宗大定二十  
七年山東統軍使達春鎮萬密膠沂鄆郅宿卽墨等城宣宗貞祐二年武

密軍節度副使赫哩鶴壽破紅襖賊於蘭陵石城塌四年紅襖賊數萬圍  
沂州同知防禦事布薩薩哈突圍出求救於徐州提控赫合哩和勒端率

兵赴之薩哈還入城與和勒端內外夾擊殺數萬人賊退興定元年十一  
月庚寅元兵下沂州十二月己未元兵復攻沂州官民棄城遁二年六月  
壬子紅襖賊犯沂州官軍敗之追至白里港都提控齊信歿於陣三年閏  
三月壬寅桂子堦王公喜構宋兵據沂州防禦使岡克坦福定徒脫走  
百姓潰散六月丁亥命岡克坦福定等帥所部軍與沂州民老幼盡徙於

郅沂州總領納哈塔祿格破灰山塌沂境以安元光二年八月辛未朔郅  
州從宜經略使納哈塔祿格都統金山顏俊率沂州軍士百餘人入行省  
殺行尙書省蒙古綱據州反

元世祖中統三年萬戶孟義領兵鎮沂郅至元二年移山東統軍司於沂  
州十二年春三月癸巳救沂州郅城十字路兵從博羅罕征淮南十三年

夏四月癸卯復沂莒等州所括民爲防城軍者爲民免其租徭順帝至正  
八年分元帥府於沂州鎮征東海郡盜以瑪勒岱爲元帥十一年罷沂州

分元帥府改立兵馬指揮使司十六年置河南廉訪使司於沂州設分樞  
密院以兵馬指揮使司隸之二十七年八月乙巳以淮南行省平章政事

王信爲山東行省平章政事廉知行樞密院事以本軍守沂州十一月壬  
午明兵取沂州守臣王信遁其父宣被執

明武宗正德六年春霸州賊劉六劉七戚宴明等陷州城所過擄掠七年  
知州朱宸請設兵備道神宗萬曆四十四年劉好問聚衆劫掠兌東道沈

臨沂縣志 卷一 通紀 九  
珣滅之熈宗天啟二年鉅野徐洪儒以邪教聚衆陷十五縣邑人總兵楊  
肇基同子御蕃都司楊國棟討平之懷宗崇禎十四年春三月初一日流

賊史二姚三陷李家莊自郅掠海州西境而北十二日營蒼山南越二日  
北去秋七月復寇沂州十五年冬十二月清兵破郅而北二十八日連營

至蒼山十六年春正月初四日清兵圍蒼山越七日破之二十二日北還  
李青山朱連堂餘寇復反州人遊擊楊衍擒之十七年羽山賊李二和尙

劫掠州東六月衛指揮章祥興被西山土寇於娘娘廟秋九月清兵鎮沂  
州  
清順治八年春西山賊王肖武聚衆劫掠九年發旗兵討王肖武滅之康  
熙二年設青駝驛十二年設李家莊驛移青駝驛於徐公店 五見 二十三  
年聖祖東巡過境御製出都詩一首勒石又御筆臨董其昌詩帖一幅勒  
石二十四年設沂海嶺同知雍正八年疏濬戚溝河九年設兌莒沂道十  
二年陞沂州爲府設附郭縣曰蘭山乾隆十三年知縣王瑄修沂河兩岸

又挑洛孝感河十四年挑洛下莊等河十五年修武河堤十六年修白茅河堤高宗南巡駐蹕黃梅嚴定五賢祠名目增王覽顏臬卿於內御製詩一首勒石十七年知縣王境會同鄆城縣挑洛東湖等河明年三月工竣

以上挑河均詳水利二十七年高宗南巡御製五賢祠詩一首二疏城詩一首均勒石

咸豐三年幅匪出沒寇抄縣境抗拒官兵吏不能制四年二月沐陽匪首陳玉標聚眾歡嘩埠沂州營都司郝上庠兗州營都司姜長清知府李從

醇知縣陳紀勳等分率兵圍剿郝上庠奮勇敢戰賊大敗匪勢稍殺六年棍匪李希夢等與幅匪合勢七年六月道員陳顯赫引兵自費駐沂九

月巡撫崇恩來沂察看賊勢八年二月李希夢就擒六月蘭陵縣丞姚鳳長剿匪陣亡知縣劉錦堂被擒商人甯姓釀重賫贖之

知縣李慶亦行按據年月未詳沂州協副將郝上庠敗賊於長城九年九月捻匪至境焚掠鄉村十年二月千總

王壽椿外委段繼先剿賊於費境陣亡三月濟東道黃良楷勇驍縱擾亂七月都統德楞額令知縣程細武招撫賊眾城汛千總趙大興剿匪陣歿

臨沂縣志 卷一 通紀

十

於向城十一年匪勢大張四出攻鈔各踞村寨互為援應僧王檄德楞額專討幅匪無功是年三月捻匪大股圍城十九日乃退城汛千總馬昌圖

尾追之歿於陣五月費縣東埠圩增生王聚鼎率眾援東城子圩戰歿同治元年知縣長庶落任屢出剿賊九月僧王追捻匪於城北羊園湖破之

是年秋沂州南境略定十二月捻匪李成大股犯沂二年總兵陳國瑞與知府文彬知縣長庶攻克中村賊巢斬賊渠孫化祥幅匪以次削平九年

開涑水支河始自西關至埠東入沂光緒九年修沂河東岸北起柳行頭直至鄰境二十四年土匪聚眾起事於黃山知縣陳公亮督率蘭陵民團

殲之二十五年因教案之交涉德兵焚韓家村三十年立兗州農桑支會三十三年立沂州商務會宣統元年改農桑支會為蘭山縣農務分會二

年十一月城區議事會董事會成立城區董事會設總董一員名舉董一員議事會設正副議長各一員議員十二名三年八月上級議事會參事會成立上級議事會設正議長一員副議長一員議員四十員參事會縣

知事兼會長參事員八員縣教育會亦於是年成立民國三年二月議參董事等會停辦四年改沂州商務會為臨沂縣商會

右上篇

周春秋魯昭公七年四月甲辰朔日有食之及降婁之次

西漢惠帝二年春正月癸酉日有兩龍見於蘭陵廷東里溫陵井中乙亥夕不見景帝元年春三月填星在婁入奎武帝建元二年二月丙戌朔日

有食之在奎十四度昭帝始元三年癸惑在婁入奎元鳳五年夏四月燭星見奎婁間元帝永光二年三月壬戌朔日有食之在婁八度

東漢光武帝建武七年琅邪開陽南門一柱飛抵洛陽章帝建初二年冬十二月戊寅彗星出婁二度百有六日和帝永元二年春正月乙卯金木

俱在奎丙寅水又在奎辛未水金木在婁二月壬午日有食之在奎八度陽帝延平元年丁酉金火在婁安帝元初三年春三月二日辛亥日有蝕

之在婁五度四年春二月乙亥朔日有蝕之在奎九度順帝永和六年春二月丁丑彗星出在奎一度長六尺靈帝光和六年冬琅邪冰厚尺餘中

臨沂縣志 卷一 通紀

十一

平五年琅邪大水春二月彗星出奎逆行入紫宮後三出六十餘日乃消晉惠帝元康五年夏大水四月有星孛於奎八年秋九月大水元帝太興

元年秋八月蘭陵郡蝗二年夏四月甘露降臨沂成帝咸康二年春正月彗星見奎婁夏六月辛未流星出奎中沒婁北七年春三月戊子歲星炎

惑合於奎安帝義熙三年春正月太白晝見在奎二月癸惑填星太白辰星聚於奎婁

隋文帝開皇十四年冬十一月癸未有星孛於虛危及奎婁楊帝大業三年春二月彗星見於奎

唐太宗貞觀三年秋沂徐水七年秋九月大水遣使賑之八年秋七月大水高宗永徽六年秋沂州水害稼德宗貞元六年春閏三月癸惑填星

在奎憲宗元和十五年春三月填星太白合於奎冬十二月癸惑填星合於婁穆宗長慶三年秋八月有大星流經奎婁武宗會昌四年秋八月丙

午有大星入奎婁遂宗咸通五年春三月彗星出於婁長三尺

五代唐明宗天成三年春正月金水合於奎

宋太祖乾德五年春三月五星聚奎六年春正月壬寅歲星填星太白合

於奎開寶八年夏六月大雨水入城壞民田太宗端拱元年夏閏五月辛

亥有星出奎如半月北行而沒二年大旱仁宗明道二年秋七月旱蝗哲

宗元祐六年冬十二月有星孛入於奎紹聖三年秋九月地震徽宗崇寧

四年蝗五年春正月彗出西方自奎入婁大觀四年彗出奎婁高宗紹興

八年夏六月乙巳客星出奎宿光宗紹熙二年旱大饑當宗開禧二年旱

蝗嘉定九年夏四月丁酉太白晝見於奎北十有六日六月丙申歲星晝

見於奎百有一日

元世祖至元十九年大疫二十八年春正月壬寅太白熒惑填星聚於

成宗大德元年秋八月丁巳祿星出奎九月辛酉朔又犯奎仁宗延祐六

年大水英宗至治元年春正月甲辰木金火土四星聚奎二月壬子夜金

臨沂縣志 卷一 通紀 十一

火土三星復聚奎泰定帝泰定元年大水明宗大歷元年夏五月大饑賑

米二萬一千餘石文宗至順三年秋九月大水順帝至元五年秋七月沂

沐橫溢至正七年春二月地震十一年冬十一月癸丑有星孛於婁十三

年春正月戊戌熒惑太白辰星聚奎二十年秋八月丙辰有赤氣互天中

有白氣如蛇徐徐西行夜分乃滅二十七年夏六月丁卯蒼山巨石崩聲

震如雷

明太祖洪武十九年饑二十四年饑成祖永樂十三年饑十八年大饑英

宗正統十三年雷震城四門景宗景泰五年春正月太白熒星合於奎七

年春三月太白熒惑合於奎大水憲宗成化九年大饑饑人相食十八年

大水二十一年春至秋不雨蝗災人相食孝宗弘治五年蝗大旱饑人相

食六年春大旱武宗正德三年大旱人相食十年冬十一月地震世宗嘉

靖三年冬大饑人相食八年冬十月初八日星隕如雨十年夏四月麥秀

兩歧十五年秋大水冬十月初八日星隕於城化為石十七年夏霖雨無

麥禾十八年疫夏四月雨雹秋七月旱二十二年春二月大雪三月二十

五日地震二十三年春大水二十四年春隕霜殺禾夏四月初二日雨雹

旱蝗二十五年夏大水秋八月二十六日地震三十三年大饑人相食神

宗萬曆二年秋七月十六日大風雪飄瓦拔木四年冬十一月大星隕雨

血六年冬十一月大雨雪人畜多死七年元月雷震雪飛九年流星大如

斗明如月自西而東十一年秋七月沐水溢八月雨雹十二年自三月至

七月不雨九月沐水大溢二十一年夏淫雨饑明年大饑三十一年秋大

水饑三十五年饑大水冬十一月向城地震三十六年春夏早秋大水冬

十月城中地震三十八年旱四十四年大旱蝗蠲賑四十四年饑人相食

命御史過庭訓賑濟許有力者納粟補廩生四十七年蚩尤旗出東

方掃奎熹宗天啓七年夏淫雨沐水溢平地深六七尺損田廬無算懷宗

崇禎四年大水五年春旱六月始雨至八月中晴壞廬舍平地成河水流

百日七年蝗秋大水九月大雪九年秋沂水溢十二年大旱饑十三年大

臨沂縣志 卷一 通紀 十三

旱蝗蝻塞廩舍大饑人相食十四年蝗疫大饑

清順治三年大疫人畜多死夏五月大水漂麥禾六年秋七月沂水溢八

年秋七月初七日大水知州唐承勳率眾以土塞東門水不得入九年沂

沐水溢十六年大水道殣相望康熙三年春三月雨雹四年春大旱夏蝗

秋大水六年饑五月麥秀兩歧七年夏六月十七日地震條裂條合壓

陷廬舍人物無算北門外坍出一潭水青黑九年地震秋旱冬十二月大

雨雪人畜果木多凍死十年地震十一年夏四月雨雹秋七月蝗地震十

三年旱十七年旱秋大水沐水溢二十三年春大饑二十四年夏淫雨沂

沐決河有海魚怪鳥夜啼城頭數十日三十九年大水四十年沂水溢

大饑四十二年大水無麥冬無雪大饑四十三年自春正月至夏五月不

雨六月大雨大饑四十六年大饑四十八年春大雨三月大饑六十年大

旱黑丹傷麥雍正元年大旱夏四月大風晦六月蝗饑三年春二月沐河

乾九年春大饑十年自春正月至夏六月不雨十一年夏六月大風四晝

夜損禾秋七月亦如之蟲食豆大水乾隆三年旱蝗八年冬十一月彗星  
見危歷室壁及奎明年二月乃滅十年大水冬大雪十一年夏五月至七  
月大雨自九月不雨至十二年春三月始雨大饑十二年夏五月大水秋  
大饑十五年春恒雨十八年水災秋八月九月雨二十年恒雨饑二十一  
年大饑二十三年大有年五十一年大饑道光二年饑十三年大水縣民  
吳恒元場下塌出古井一至今水不竭大饑人相食二十七年春二月初  
八日雨木冰樹枝草葉凍如琉璃二十八年夏六月二十日夜大風拔木  
三十年夏四月二十九日日赤如血三日乃止秋八月初六日月赤如血  
三夜乃止咸豐元年春二月十八日大雪夜有雷聲二年饑冬十月初六  
日地震三年大饑三月初七日地震初八日午時又震大禳七年蝗蝻徧  
野饑九年春二月初八日寅時地震同治元年春三月二十七日夜地震  
夏四月二十五日又震秋閏八月二十八日夜復震四年春正月十三日  
夜大山風雪竟夜二月初五日夜雷電交作極大銀杏夏六月十二日夜

臨沂縣志

卷一 通紀

十四

大風拔木六年秋疫冬十二月初二日夜地震十一年冬十二月初五日  
風雪竟日夜平地數尺十二年秋七月大水光緒二年春二月十八日夜  
大風有火如毬三月初五日地震秋蝗三年秋七月二十四日蝗飛蔽天  
六年秋旱蝗蝻損豆十年冬十月晦日夜中紅光徹地鷄犬皆驚十三年  
夏旱無豆饑牛大瘋十四年旱饑二十年春二月初九日雪木冰鳥獸多  
死秋七月初十日隕石於城東齊莊二十一年牛瘟至明年春十傷八九  
二十四年饑二十五年旱夏秋蟲食穀幾盡二十六年蝗冬十一月十八  
日辰時地震二十四日酉時又震三十二年秋八月十四日地震九月初  
七日夜明聲自西南來空中流星亂落三十三年夏秋旱無豆三十四年  
秋八月大水冬牛瘟宣統元年夏六月大水秋無豆冬十一月二十七日  
日無雲而兩夜中地震

右下篇

臨沂縣志卷二

山川

臨沂山水大勢俱分東西兩條西條山脈均起自蒙山一自費縣之五彩  
固分支入縣境北為映旂山大柱山南為不戈山鎮山茶芽山東瀨於沂  
南瀨於昉是為西條北支一自費縣之大匡固發脈東行為抱犢固柱子  
固至鳳山折而東南入縣境為縣城正脈沿昉凍東南行為紅石嶺為紗  
帽山墩阜起伏隱相銜接東抵縣城南結為赤石山其分支自紅石澎漸  
黃埠東南行為礦山為册山又南為蝎子山又東南為文曲文昌二山自  
此穿沂水而南為蛟龍山是為西條中支一自費縣之抱犢固分支東行  
者入縣境為艾山為鐵牛山迤南沿武迦之間西為朗公麒麟諸山東為  
廟山為紅嶺越鄰境復入縣境為蘭山為層山蘆塘山入江蘇邳縣境  
支東南行者入縣境跨西迦陽明二河東為黃柱山為寶山為成全山為  
魯卿山至歇脚山而止西為匡山為平山為石城山東南入江蘇邳縣境

臨沂縣志

卷二 山川

一

是為西條南支東條山脈均起自莒縣之高栢山一自莒之大王嶺  
入縣境為座山嶺為蒼山西南為馬陵山為金雞嶺入鄰縣境是為東  
條左支一自莒之焦原山西南入縣境為赤草坡嶺為走馬嶺為湯山南  
抵城東結為小黃山而止是為東條右支至於水西條之水沂為大東條  
之水沂為大二水東西分流縱貫全境若昉凍孝感柳杏蒙山諸水均自  
上游入沂若武河李公河柳溝河陳家埠河均至下游入沂水西條若湯河  
高榆河武陽溝均自縣境入沂若白旄河鳳墩溝均至鄰境入沂水東條其  
不入沂沭者西境惟燕子河東西迦河東境惟關河石河利城花冒等河  
而已若夫古今異名流傳或外河流遷徙形勢靡常其有可考音紀之否  
則寧使信今無取泥古拘拘於考證勢固不能盡合也謹為詳列條目如  
左

西條山

王蠋鼻山城西北一百里與沂水縣分界處也又東為映旂山山坳有長